

الرشاد

سری ۱۳۰۰

والله يهدي من يشاء الى صراط مستقيم ديني . علمي . ادبي . سياسي هفته لقي مجموعة اسلاميه در
آتيعون اهدكم سبيل الرشاد

صاحب و مدير مسئول : ح . اشرف اديب

جلد ۱ - ۸

۱۶ رمضان ۱۳۳۰ پنجشنبه ۱۶ اغستوس ۱۳۲۸

عدد ۲۶ - ۲۰۸

صوکراده حضرت حمزه و حضرت عمر سعادت از لیه لرینی اظهار
ایتمشدر. [رضوان الله علیهم اجمعین]

برده ایمان ایدنلرده ذاتاً توحید و مجازات اعتقادی بولمسنه بناء
رهبر احتیاجی اویانمشیدی دییور. بوده طوغری دکدر. او ائنده
برقاج بویوک ذاتدن ماعدا قبول اسلامیت ایدنلرک کافه سی بتپرست
اولدقلری جهتله کندیلرنده اعتقاد وحدانیت اثری بولمادیغنی کی
مسئولیت اعمال دیدیکی جزای اخروی فکری ده یوق ایدی. عرب
مشرکالرینک قبول اسلامیه قابلیتلی پک آز و اهتدالری غایت متعسر
اولدیغنی (دوزی) ماسبقده ایضاح و اعتراف [۱] ایدلیکی کی رسول
اکرم افندیمره معارض بولنان صنادیک نه درجه مترد و امور آخرتله
مستیزی اولدقلرینی ده ایلروده صرمه سی کلنجه تصویر ایدم جکدر [۲]. مع
هذا رهبر طابنده بولن اشخاصی ارشاد ایتکده قولای برشی
اولمادیغنی مقدمه کتابده بز ایضاح ایتمشیدک. یکیدن بر دین تأسیس
ایدوب خلائی مألوفلری بولنان عادات و اعتقاداتن چویرمک تأییدات
سبحانییه مظهر اولمغه متوقفدر.

دوزینک کلامی تناقضدن ده سالم دکدر. بر طرفدن ذات رسالتنهای
حقنده معجزه لرله خلقک رهبره دأثر حس ایتکده اولدقلری احتیاجی
تسکین ایتدی، مأموریت قدسیه سنک اثباتی کوردیلر دییور، دیگر
طرفدن ده ساحه نبوتک مبرا بولندیغنی رنوع خسته لقندن بحث ایله
خلط کلام ایدیور! بو خسته لق (شبهه نکدر) نام دقتورک اسناد
ایله دیکی «هیسته ریای عضلی، دنیلن سکیر علتندن، برنوع مصرو-
عیتدن عبارتدرکه بوزمره غرضکاران انهای وحیده انبیاده مشاهده
ایدیلن حالت مقدسه انسلاخیه یی بوکا حمله یلته نیورلر. جلد اولده
بز یافترای تلخیصکارانه یی رد و ابطال ایله اولنلرک اوتانمق بیلمه یی چهره لرینه
چاربدق، هنسکام وحیده انبیای عظام حضراتنده کورونن بو تغییرات
ظاهریه نک وقوعی امر ضروری اولدیغنی دفعاتله آکلاتدق. بناء علیه
آرتق بوراده اطناب مقاله لزوم کورمه یورز.

(دوزی) بونی متعاقب کلامی حضرت عمر الفاروق (رض) ک
اسلامیتته نقل ایله اولامشار الیهک شجاعت واستقامت کی بعض
اوصاف و مزایا سنندن بحث ایتمش [۳] بعده کیفیت اهتدالرینه دأثر
- قصص انبیاده مذکور - قصه معلومه یی نقل ایله بونی ده غننه تاریخیه
داخلنده کأثر اختراعات جهل سندن عد ایشدر.

بو قصه نک محضامشار الیهک دین حق قبول ایتسی - حائز بولندیغنی
اهمیتته بناء - بر کرامته، بر خارقیه عطف ایدلمک، بو وسیله ایله

[۱] جلد اولک ۱۲۲ نجی صفحه سندن اعتباراً مطالعه سیله معلوم اولور.

[۲] دوزی تاریخنک (۶۱) نجی صفحه سینه مراجعت.

[۳] شایان حیرتدرکه عدو مرقوم، جدیت و صمیمیتی بونون جهان
مرورلرنجه مسلم بولنان حضرت مشار الیه حقنده بیله «هر نه قدر آهنگ
سلاستی آئنده قورنازاق اخلا ایدیور دییورده بونکله برابر خود پرستلکدن
عاری ایدی» دییه غرضکارانق ردائت جلییه سنی بر اقامش، تناقض صریح
ارتکابندن نباعده ایدمه مشدر.
اخزاه اه وانصاره.

او قانونلرک قطعیتندن، استثنای قبول ایلمه جکندن ذهول ایدمک بر
حاله کلنجه اسفل السافلین خسارانه طوغرو اینوب کیدیورلر.
هم او اوامرک یالکز الیهی اولدیغنه ایمان ایتک بر جماعتی قور-
تارمیور؛ اولنره حقیله صاریللق، اولنلرک کوستردیکی یولدن صابمامق
ایجاب ایدیور. عصیانلر، طغیانلر، فتنه لر، تفرقه لر، سفاهتلر،
عطالتلر، نفاقلر، شقاقلر، جهالتلر مسلط اولدقلری ملتلی اضمحلال
اوچورومنه مطلقاً سورو کلیور. آرتیق بوبالار ایستر ایمانسلرل
یوزندن نشأت ایتسین، ایستر سه اساسه اینایلدیغنی حالده اعماله
قارشی مبالانسلرلقدن ایلری کاسین، عینی عاقبت الیه یی حاضر لاقه ن
قابل دکل، کری قالمیور.

اوله ایسه بزده، باری بوندن صوکره اولسون، کوزیمزی
آچم. تاریخی اوله ماضال دیکلرکی دیکله میلم. هر وقعه دن کندیمز
ایچون عبرتلر، حصه لر آلمایه چالیم. کزدیکمز، اوغرا دیغمز
مملکتلرک یالکز هوا سیله، صونی حقنده معلومات ایدیمیه قصر همت
ایتمیم! کچمشدن عبرت آلامقده دوام ایدرسهک، العیاذ بالله، کله جکدر
ایچون پک آجیقلی بر عبرت اوله جغز. الیهی خلصنا عن الاشتغال بالمالهی
وارنا حقائق الاشیاء کاهی.

محمد عاکف

مدافعات دینیہ

حق و حقیقت

در قنور دوزینک اسلامیت علی بن مره کی اسنادانه ربه

۱۴

دوزی تاریخندن: «دیگر مهتدیلمک کافه سی اجنبی، کوله وقادین
ایدی. بر الله واحده اعتقاد و عمللریدن مسئولیتلی فکری اکثریسنده بر
کشف و رهبر احتیاجی اویاندرمشیدی. محمد معجزه لرله بو احتیاجی تسکین
ایتدی و کندیسنک بالذات کوردیکی کی خسته لغنک حمله لرنده، مأموریت
مخصوصه قدسیه سنک اثباتی کوردیلر.»

ذکر اولنان ذوات کرامی تعقیب ایدن مهتدیلمک هیچ بری رجال
احرار دن دکلش، بوده خلاف حقیقت اوله رق سوبله نمش و غرض
ازدرایی متضمن بولنش اولمغه شایان تکذیبدر. دفع اشتباه ایچون
اوصرمده نائل هدایت اولان ذواتک اک مشهور لرینی تعداد ایدم:
زید بن عمرو بن نفیلک فرزند پاکی جناب سعید زوجہ سی فاطمه بنت
الخطاب - که عمر الفاروقک همشیره سیدر - ایله برابر دائرة منجیه
اسلامیتته داخل اولمشیدی. کذلک امین الامه ابو عبیده بن الجراح،
عبیده بن الحارث بن عبدالمطلب، ابوسلمه الخزومی، قدامه بن مظعون،
عبدالله بن مظعون، ابو حذیفه بن عتبہ بن ربیعہ - که زادکان قریشدندر -
ابوذر غفاری، خالد بن سعید بن العاص، عمرو بن سعید، یاسر و اوغلی
جناب عمار، حصین و اوغلی عمران بوزمره ده داخلدر. بولنلر دن بر آز

اَلْکِبَیَّاتُ

سلیمانیه کرسیسنده

متفکر لریکنز دینی ده هیچ آ کلاماش ؛
روح اسلامی تلقیلری غایت یا کلش .
صانیورلرکه : ترقی به تحمل ایده من ؛
عصرک آثار کمالیه تکامل ایده من .
بیلیمورلرکه : علومک ازلی دایه سیدر ؛
بشرک بر کون اولوب یوکسلا جک پایه سیدر .
مندج سینۀ صافده بوتون انسانق ..
بونی تسلیم ایدر انصافی اولانلر آزیجق .
مسلمان عنصری غایت متدنی ، طوغرو ؛
شوقدر وارکه : دکادر بو اونک محذوری .
« مسلمانلق » دینلن روح الهی ، آراسق ،
« مسلمانر ! » دین انسان بیغیندن نه اوزاق !
دینی تدقیق ایدم جکسهک ، دونهلم هایدی کبری ؛
آلام نشأت اسلامه یاقین بر دوری ؛
اونه دهشتلی ترقی ، اونه مدهش سرعت !
ایله بر خا قه کوستردیمی انسانیت ؟
دور فترده قالان ، همده عصرلرجه قالان ؛
وحشتک ، غلظتک اعماقه طالدجه طالار ؛
کومهرک دیپ دیری اولادینی قوم چوللرینه ،
بونده بر نشوه طویان حس ندامت یرینه ؛
اوکجه طاغدن کتیروب یونتدینی طاش پارچه سنی ،
صوکره خالق طانیان بر سورو وحشی بیغینی
ناصیل اولمش ده ، اوتوز ییلده اوتوز بیک سنهک
بر ترقی ایله دنیایه کسيلمش مالک ؟
ناصیل اولمش ده افاضل مدنیت ، اوکال
ایله بر قومک ایچندن طوغیوبرمش درحال ؟
ناصیل اولمش ده ظهور ایلیه بيلمش صدیق ؟
نره دن کلش او حیدرده کی عرفان عمیق ؟
اوکجه دهشتلی ظییرکن ، ناصیل اولمش ده عمر
ایله بر عدله صاریلش که : دکل کار بشر ؟
حائل اولسه یدی ترقی به اکر شرع مبین ،
دور مسعود قدوميله کیرن عصر کزین
اک بویوک مدنیتله می ایلردی ظهور ؟
مندج اولماسه روخنده اونک نامحضور
بر تکامل ، اوقدر خارقه نردن طوغه جق ؟

قرآن کریمک تلاوت و مطالعه سنده کی تأثیر مبالغه لی بر طرزده کوسترلمک مقصدیله ترتیب اولمش بر منقبه ، بر افسانه اولدینی ادعاسنده بوله رق مبدع قصه ده « شعره محبة » بوراده بو منقبه یی ذکر ایدرز « نهایتسنده ده » بو بر منقبه درکه هم عمرک اهداسنی مؤثر بر صورتده تصویرایتمک ، همده بو اهدانک علویت قرآن ایله وقوعنی اثبات ایتمک ایچون تصور اولمشدر « دینور » .

بوکا دائر اولان شبهه سنی ده ایکی یوزدن یورتیمک ایسته یور . اول حضرت عمر ، باعث هدایتی کوستربلن « طه » سورده سنی اوقومازدن اول قرآن کریمک بشقه سور و آیاتی استماع ایتهمش دکلدی . چونکه « محمدک وحیلری کافی درجده معروف ایدی » . نیچون بونلر کندیسنه تأثیر ایتهمش ؟ ثانیاً ! دین جدید - مناقبک دیدیکی قدر - آتشین دشمن اولمامشیدی . بنا برین اونک مؤسس و منتسبلری حقنده تعرضاتده بولمسی استبعاد اولنور . حتی همشیره سیله انشته سی سعیدک « رض » اهدالرینه واقف ایدی . دیور . بو ادعاسنی حضرت سعیدک کوفه کرسیسی اوزرنده علی ملاء الناس مشارالیهک اظهار اسلامیتلرندن اول زوجہ سی ایله کندیسنی تصدیق ایتهمکده اولدییغنی بیان ایتمش اولمسيله تأییده چالیشیور .

بو شبهه لری هربری قابل دفعدر . چونکه قرآن کریمک مدار اهدا اولمسی مجرد اوزاقدن استماعه تجلی ایتمز . بلکه بالالتزام مضمون شریفی تدبیر و ملاحظه و وابسته در . جائزکه حضرت عمر قصه نک بیانی حاوی اولدینی زمانه قدر هیچ بر آیت جلیله یی دقت و اعتنا ایله نظر مطالعه یه آلامش ، حقیله ملاحظه و تفکر ایتهمش اولسون . حضرت سعیدک ذکر اولنان اعلانی حضرت مشارالیهک اظهار اسلامیتدن چوق زمان اول کندیلرینی مصدق اولمسنه دلیل اوله ماز . بلکه قصه ده مذکور روز اهداده کی ملاقات نتیجه سی اولان تصدیق و اعترافده مساعددر .

هر حالده دوزی نک ده تحت اعترافده اوله رق - حضرت عمر کال جلادت و استقلال فکری ایله برابر - قناعت وجدانیه سی خلافته حرکت ایتهمش ، آنجق و آنجق استماع قرآن سایه سنده نائل هدایت اولمشدر . استماعک تکرر ایدوب ایتهمسی اساس اعتباریله سیاندر . بو جهت قابل انکار اولمادینی حالده قرآن عظیمک تأثیر خارقانه سنی تصور مقصدیله قصه اختراعه مجبوری ادعاسی بغایت کولنج برشی اولیور .

مناسترلی اسماعیل حق

